



**ҚАЗАҚСТАН
РЕСПУБЛИКАСЫНЫҢ
ҰЛТТЫҚ БАНКІ
№ 32 БАСПАСӨЗ Р Е Л И З І
2014 жылғы 3 сәуір**

*Алматы қаласының өңірлік қаржы орталығы
GFCI рейтингісіне енгізілді*

The Global Financial Centres Index 15 (GFCI) қорытындысы бойынша Алматы қаласы алғашқы рет жоғарыда аталған рейтингіге енгізілді және 83 халықаралық қаржы орталығының ресми тізімінде 58-позицияға және Азия қаржы орталықтары арасында 13-орынға ие болды.

GFCI рейтингісі – Лондонда штаб-пәтері бар, сондай-ақ бүкіл әлем бойынша 300-ден астам қауымдасқан сарапшысы бар Z/Yen Group Limited компаниясы әзірлеген халықаралық қаржы орталықтарын рейтингілік бағалаудың мамандандырылған әдіснамасы болып табылады.

GFCI Лондон Ситидің басқарушысы Corporation of London муниципалдық органы үшін, сондай-ақ Z/Yen компаниясының көптеген клиенттері мен әріптестері үшін Лондон қаржы орталығын халықаралық балама қаржы орталықтарымен салыстырғанда талдау және позициясын белгілеу мақсатында әзірленеді.

Бұл ретте Z/Yen компаниясы қаржы орталықтарын бағалау кезінде бәсекеге қабілеттіліктің мынадай басты салалары қаралады:

- *Адам факторы.*
- *Бизнес орта.*
- *Нарықтарға қолжетімділік.*
- *Инфрақұрылым.*
- *Жалпы бәсекеге қабілеттілік.*

Алматы қаласының өңірлік қаржы орталығы (АӨҚО) – Қазақстан Республикасының қаржы нарығын дамытуға бағытталған қаржы орталығына қатысушылар мен мүдделі тұлғалардың өзара қарым-қатынастарын реттейтін айрықша құқықтық режим.

Алматы қаласының өңірлік қаржы орталығын дамыту жөніндегі қызметті Қазақстан Республикасының Ұлттық Банкі жүзеге асырады.

2012 жылы АӨҚО-ы GFCI рейтингісінің пікіртеріміне енгізілді және Алматы қаласы «Болашағы бар қаржы орталықтарының тізімі» аралық рейтингісіне (GFCI 11.5) қосылды.

*Неғұрлым жан-жақты ақпаратты мына телефондар бойынша алуға болады:
+7 (727)270-46-39, +7(727),2788052; E-mail: press@nationalbank.kz*